

Nik, IÑIGO ROLDAN CATALAN jaunak, Oñatiko Udal idazkari naizen honek,

Toki Araubidearen Oinarriak arautzen dituen 7/1985 Legearen 92. bis artikulua eta gaikuntza nazionala duten toki-administrazioko funtzionarioen araubide juridikoa arautzen duen martxoaren 16ko 128/2018 Errege Dekretuaren 3. artikuluan xedatutakoaren arabera

Honako hau EGIAZTATZEN DUT:

Idazkaritza honetan nire ardurapean dauden datuen arabera, **osoko bilkurak, 2023ko urriaren 26an**, ohiko bilkuran, besteak beste, honako erabaki hau hartu zuen, eta hitzez hitz transkribatuta dio:

12.3.- Onartzea, hala badagokio, Alkateak gai honi buruz egindako proposamena: Auzo-taxi programa arautzen duten oinarri arautzaileen zuzenketa onartzea, landa garapen informazio batzordean diktaminatua 2023ko urriaren 24ean.

Idazkariak Alkatearen proposamen hau irakurri du -dagokion batzordeak eman zuen horren gaineko irizpena:

Gaia: Auzo-taxi programa arautzen duten oinarri arautzaileen zuzenketa onartzea.

Aitor Gerenabarrena Osa jaunak, nekazaritza-auzoak eta ingurumen teknikariak eta landa garapen batzordearen idazkariak, 2023ko urriaren 24an egindako landa garapen batzordearen aktak honela dio:

“Auzo-taxi programa arautzen duten oinarri arautzaileen zuzenketa proposamena (975/esp)

2023ko martxoaren 21ean Osoko Bilkurak egindako bileran, auzo-taxi programa arautuko duten oinarri arautzaileak eta 2023ko dirulaguntza deialdia onartu ziren (2023/04/19ko GAOn argitara eman ziren).

Oinarri arautzaileen 5. artikulua landa eremuaren arabera ezarritako laguntzak zehazten ditu:

- a) Arantzazu, Araotz, Urrexola: 15 €/bidaiko BEZa barne*
- b) Hiri-inguruko landa auzoak: 10 €/bidaiko BEZa barne*

2022ko maiatzaren 12ko Udal Tokiko Gobernu Batzarraren erabakiz Oñatiko auzo-taxi zerbitzu administrazio kontratu espedientean justifikatzen den bezala, landa eremuaren arabera honako prezioak ezarri ziren:

- a) Arantzazu, Araotz, Urrexola: 18 €/bidaiko BEZa barne*
- b) Hiri-inguruko landa auzoak: 12 €/bidaiko BEZa barne*

Hortaz, oinarri arautzaileek ezarritako laguntza zuzendu beharra daude.

Gaia aztertu ondoren, Landa Garapen Batzordeak aho batez eskatu dio Udal Osoko Bilkurari, auzo-taxi programa arautzen duten oinarri arautzaileen 5. artikulua ezarritako laguntzak zuzendu ditzala eta modu honetan jaso ditzala:

- a) Arantzazu, Araotz, Urrexola: 18 €/bidaiko BEZa barne*
- b) Hiri-inguruko landa auzoak: 12 €/bidaiko BEZa barne”*

Beraz, ofizios zuzenketa onartzea dagokio 39/2015 Legea, urriaren 1ekoa, Administrazio Publikoen Administrazio Prozedura Erkidea garatzen duen **109.2 artikulua** arautzen duena betez. Artikulu honek honakoa dio zehazki:

“2. Herri-administrazioek, beren kabuz edo interesdunek eskaturik, edozein unetan zuzendu ditzakete beren egintzetako errakuntza materialak, egitezkoak edo aritmetikoak”.

Diru-laguntzei buruzko azaroaren 17ko 38/2003 Lege Orokorrak eta hura garatzen duen Erregelamenduak (887/2006 Errege Dekretua) eta Udalaren Dirulaguntzei buruzko Ordenantza Orokorrak ezarritakoa kontuan hartuta.

Gainera, 32/2018 Foru Dekretua, abenduaren 27koa, Gipuzkoako toki-sektore publikoko entitateen barne kontrolaren araubide juridikoa erregulatzen duena, bere **3. Artikuluan 1 eta 2** ataletan honakoa xedatzen du:

“1. Tokiko sektore publikoaren jardura ekonomiko-finantzarioaren barne kontrola organo kontu-hartzaileak egingo du eginkizun kontu-hartzailearen eta kontrol finantzarioaren bidez. Bi ariketa moduetan, 21/2003 Foru Arauaren 68. artikuluan aipatutako eraginkortasun eta efizientzia kontrola ere sartuko da.

2. Eginkizun kontu-hartzailearen xedea da toki entitatearen eta bere organismo autonomoen egintzak kontrolatzea, haien sailkapena edozein izanik ere, baldin eta egintza horien ondorioz eskubideak onartu edo gastuak egiten badira,

bai eta haietatik eratorzen diren sarrerak eta ordainketak nahiz haien funts publikoen inbertsio edo aplikazio orokorra ere, ziurtatu nahi baita haien kudeaketa kasu bakoitzean aplikagarri diren xedapenekin bat datorrela."

Azaldutakoagatik, landa garapen batzordearen oniritziarekin, osoko bilkurari honako hau proposatzen diot:

LEHENENGOA.- 2023ko martxoaren 21ean Osoko Bilkurak onartutako auzo-taxi programa arautzen duten oinarri arautzaileen zuzenketa onartzea. Zuzendu eta gero honela geratuko litzateke:

- a) Arantzazu, Araotz, Urrexola: 18 €/bidaiko BEZa barne
- b) Hiri-inguruko landa auzoak: 12 €/bidaiko BEZa barne

BIGARRENA.- Zuzenketa honen erabakiari oinarri arautzaileen hedapen bera ematea (GAOn eta BDNSn)

HIRUGARRENA.- Erabaki hau behin betikoa izango da eta amaiera emango dio administrazio bideari.

Interesatuek erabaki horren aurka zuzenean Administrazioarekiko Auzi Errekurtsoa aurkeztu izango dezaketela Administrazioarekiko Auzietako Donostiako Epaitegietan, argitaratu eta biharamunetik hasita bi hilabeteko epean.

Hala ere, partikularrek aukera izango dutela horren aurretik Berraztertze Hautazko Errekurtsoa aurkezteko Osoko Bilkurari, argitaratu eta biharamunetik hasita hilabeteko epean. Hori eginez gero, ezingo da administrazioarekiko auzi errekursorik aurkeztu harik eta berraztertzearen berariazko ebazpena eman edo ustezko ezespena gertatu arte. Dena dela, egoki iriztitako beste edozein errekurtsorik aurkez daiteke.

Gaia aztertuta, eta landa garapen informazio batzordearen irizpena kontuan hartuz, udalbatza osatzen duten hamazazpi zinegotzietatik hamasei bertaratuta, alkateak bozketa agindu du. Proposamena zinegotziek aho batez onartu dute.

Ziurtagiri hau dagokion akta onartu baino lehen ematen da, eta ohartarazita geratzen da, 2568/1986 Errege Dekretua, azaroaren 28koa, Toki Erakundearen Antolaketa, Jarduera eta Araubide Juridikoaren Erregelamendua onartzen duen 206 artikulua araberara.

Honela jasota gera dadin eta bere ondorioak izan ditzan hau sinatzen dut sinadura digitaletan ageri den datan.

O.E.
ALKATEA

Izaro Elorza Arregui

IDAZKARIA

Iñigo Roldan Catalan



Sinaduren laburpena / Resumen de firmas

Titulua / Título:

2023ZIES0003-ZIURTAGIRIA/CERTIFICADO (OÑATIKO UDALA)